



Heimildaritun

ÍSLE3HE05

Námsáætlun vorönn 2025

Fjölbrautaskóli Suðurlands

Kennarar

Guðbjörg Grímsdóttir (GGR) (guðbjorg10@fsu.is)
Katrín Rut Sigurgeirsdóttir (KSG) (katrin.rut@fsu.is)
Puríður M. Björnsdóttir (PMB) (thuridur@fsu.is)

Áfangalýsing

Áhersla er lögð á að nemendur læri og þjálfist í vinnubrögðum sem tengjast heimildavinnu. Unnin verða fjölbreytt og krefjandi ritunarverkefni og lesnir margs konar textar sem tengjast heimildavinnu. Nemendur verða einnig þjálfaðir í umræðum. Stærsta verkefnið er heimildaritgerð og vörn fyrir hana.

Nemendur skulu **ávallt mæta með tölvu** í kennslustundir.

Markmið áfangans

Þekking

Nemandi skal hafa öðlast þekkingu og skilning á:

- helstu hugtökum sem tengjast heimildavinnu, s.s. beinni og óbeinni tilvitnun, tilvísun og heimildaskrá.
- muninum á staðreyndum og ályktunum.
- muninum á talmáli og ritmáli.
- muninum á heimildanotkun og ritstuldi.
- hvaða málsnið hæfir mismunandi efni og aðstæðum.

Leikni

Nemandi skal hafa öðlast leikni í að:

- skrifa skýran og vel uppbyggðan texta.
- beita gagnrýninni hugsun við úrvinnslu heimilda.
- velja stílbrögð sem hæfa efninu.
- velja og nýta á gagnrýninn hátt þær upplýsingar sem skipta máli í heimildaritun.
- vega og meta áreiðanleika heimilda.
- flytja af öryggi og sannfæringarkrafti eigið efni.
- meta mismunandi sjónarmið og taka sjálfstæða, rökstudda afstöðu.

Hæfni

Nemandi skal geta hagnýtt sér þá þekkingu og leikni sem hann hefur aflað sér til að:

- skrifa skýran, vel uppbyggðan og grípandi texta.
- velja viðeigandi ritstíl eftir viðtakendum og aðstæðum.
- greina forsendur sem geta búið að baki einstökum ályktunum.
- tjá rökstudda afstöðu, útskýra sjónarmið og taka virkan þátt í málefnalegum umræðum.
- draga saman aðalatriði úr heimildum þannig að rétt sé með farið í hvívetna.
- beita gagnrýninni hugsun við lestur, túlkun og úrvinnslu krefjandi texta.
- leiða umfjöllun um viðfangsefni til vel rökstuddrar niðurstöðu.
- ástunda viðurkennd vinnubrögð í rannsóknarvinnu.

Námsefni

Efni frá kennara, sjá Innu.

Námsmat

Áfanginn er án lokaprófs. Allmörg verkefni verða metin til einkunna, auk þess sem ýmis smærri verkefni verða lögð fyrir til að styrkja námið. Nemendur eiga að **skila öllum verkefnum á tilsettum tíma**. Skilyrði fyrir því að kennari fari yfir stafsetningu og málfar er að nemandi hafi sett textann í ai.yfirllestur.is. Ekki er hægt að ganga að því vísu að farið verði yfir verkefni sem berast of seint.

Lengd ritgerðar: 2300-3200 orð (forsíða, efnisyfirlit og heimildaskrá ekki talin með).

Til að standast kröfur áfangans **þarf að ná lágmarkseinkunn 5 fyrir sjálfa lokaritgerðina og fyrir að verja/kynna ritgerðina**.

Annað

Nemendum ber að virða höfundarrétt. Ritstuldur varðar við lög og er öllum slíkum málum vísað til skólastjórnenda.

Vægi einstakra námsþátta

15% æfingaverkefni.

20% hverjum þætti heimildaritgerðar skilað.

50% heimildaritgerð, lokagerð.

15% kynning og vörn heimildaritgerðar.

HEIMILDARITUN – VINNUÁÆTLUN VORÖNN 2025

Dags.	Viðfangsefni	Verkefni og skil
13. - 17. jan.	Kynning áfangans. Upprifjun um byggingu efnisgreina og ritgerða. Tilvitnanir, tilvísanir og heimildaskráning.	Æfingaverkefni 1: Skráning heimilda í heimildaskrá.
20. - 24. jan.	Bygging ritgerða og heimildaskráning. Hugsað um efni lokaritgerðar.	Æfingaverkefni 2: Stutt ritgerð.
27. - 31. jan.	Bygging ritgerða og heimildaskráning.	Æfingaverkefni 2: Skila ritgerð. Próf úr heimildaskráningu.
3. - 7. feb.	Heimildaleit og mat á heimildum.	Æfingaverkefni 3: Stutt heimildaverkefni unnið.
10. - 14. feb. Vorfrí fös. Miðannarmat	Vinnubrögð í háskólaritgerðum skoðuð. Lokaritgerð: Rannsóknarspurningar og tesur. Ritgerðarefni valið og rannsóknarspurning samin. Heimildaleit fyrir lokaritgerð.	Æfingaverkefni 4: Ritgerðir í Skemmu skoðaðar, verkefni. Lokaritgerð: Ritgerðarefni og rannsóknarspurning/efnisyrðing.
17. - 21. feb.	Lokaritgerð: Ritgerðarvinna; skipulag, lykilsetningar og kaflar. Heimildaleit.	Beinagrind skilað. Heimilda leitað og þær skráðar. Skila heimildaskrá (með 8-12 áreiðanlegum heimildum).
24. - 28. feb.	Vinna við inngang og meginmál.	
3. - 7. mars Áfangamessa mið.	Kynning á ritgerðarefni. Vinna við meginmál ritgerðar (tesa).	Kynning á ritgerðarefni.
10. - 14. mars Valdagur mið.	Vinna við meginmál ritgerðar (tesa).	
17. - 21. mars Kátir dagar og Flóafár	Ljúka við fyrri hluta meginmáls. Seinni hluti meginmáls saminn, antitesa (og syntesa).	Skil á fyrri hluta ritgerðar.
24. - 28. mars	Meginmál lagað til og skrifað (tesa, antitesa og syntesa).	
31. mars - 4. apríl	Ljúka við seinni hluta meginmáls. Lokaorð samin.	Skil á seinni hluta ritgerðar.
7. - 11. apríl	Ritstjórnarvinna og endurbætur.	Lokagerð heimildaritgerðar skilað.
14. - 18. apríl	Páskafrí	
22. - 25. apríl Kennsla byrjar á þri. Sumardagurinn fyrsti (fim.)	Varnir fluttar.	Varnir.
28. apríl - 2. maí 1. maí (fim.)	Varnir fluttar.	Varnir.
5. - 9. maí	Varnir fluttar.	Varnir.
12. - 16. maí Námsmat byrjar á fös.	Viðtöl	Viðtöl

8. janúar 2025. Námsáætlun er gerð með fyrirvara um breytingar, íslenskukennarar.